

Dr. Horacio E. Oduber Hospital ta ricibi rapport positivo di VU Amsterdam



Momento di entrega di rapport di Vrije Universiteit.



Gradicimento y Invitacion

Pa medio di esaki nos kier a gradici tur esnan cu di un of otro manera a muestra nan atencion durante enfermedad y na ora di fayecimento di



EDISON "EDDY" POURIER

Gradicimento ta bay na tur esnan cu a manda flor, krans y mensahenan di sosten.

Tambe nos ta gradici Dr. Wassenaar, Dr. Jonkhoff, Dr. Peterson, verpleegsters di Oncologie, dokternan y verpleegsters di 4de verdieping (niet snijdend).

Un danki ta bai na Edmund Harms Foundation pa nan sosten y ayudo.

Danki especial na Miembro nan di Deportivo Nacional y tambe Jan Poets pa nan bunita gesto.

Un danki di curason na tur famia, bisiaña, amigonan y conocirnan cu di un of otro manera a duna nos sosten y forsa den e momentonan dificil aki.

Nos kier a gradici staff y personal di The Olive Tree Funeral Home pa nan servicio y asistencia.

Alavez nos ta invita pa 3 Santo Sacrificio di Misa cu lo tuma lugar Diaranson 13, Diahuebs 14 y Diasabra 16 di Maart 2013 na Misa San Francisco pa 7'or di anochi pa descanso di Eddy su alma.

Boso presencia lo ta altamente aprecia.

ORANJESTAD - Aruba – 11 di maart 2013: Recientemente Profesor Mark Kramer, kende ta “hoogleraar interne geneeskunde” na Vrije Universiteit Amsterdam (VU), a presenta un rapport cu resultado positivo na Dr. Horacio E. Oduber Hospital. Dr. Daryanani, ciruhano y presidente di e ‘onderwijscommissie’ na Hospital, a ricibi e rapport aki cu orguyo.

RAPPORT

E rapport ta e resultado di un bishita na november 2012 ora cu un delegacion di VU a evalua dr. Horacio E. Oduber Hospital como un institucion unda cu studiantenan di medicina di VU por haci nan “co-schappen” y a considera nos Hospital como un institucion cu ta brinda un bon ambiente pa nan siña con pa trata pashent. “Y, nos tin confianza cu na HOH esaki ta posibel,” Prof. Kramer a expresa.

UNIVERSIDAD LIBER

E relacion cu VU ta existi poco aña caba y a resulta di ta benefico pa Hospital pa lora ta trata mehoracion di cuido. VU lo por manda su studiantenan pa diferente departamento y specialisacion, dependiendo di cuanto specialisacion lo por

acomoda nan na nos hospital. Prof. Kramer a comenta cu rond mundo den hospitalnan unda cu entrenamiento y educacion ta tuma luga, semper e calidad di cuido ta mas halto cu den hospitalnan unda esaki no ta e caso. E ta atribui esaki na entre otro e hecho cu studiantenan ta haci pregunta corecto y di e mediconan ta wordo spera cu nan haya e contesta corecto tambe, cual ta mantene tur hende atento.

RESULTADO

Dr. Falconi, director medico na dr. Horacio E. Oduber Hospital, a splica cu co-schappen ta e stage cu e estudiante cu a caba su estudio di medicina ta sigui. Nan por scoge entre diferente specialisacion y e universidad ta evalua e hospital unda su studiantenan por bay a base di un investigacion di rekisitonan cu e universidad mes ta haci. Dr. Falconi a bisa cu na e ocasion aki a probecha pa Minister di Salubridad y Deporte, dr. Richard Visser, como tambe Prome Minister Mike Eman y Director di AZV Anko Ringeling pa topa cu Profesor Kramer, unda cu a papia tocante e relacion entre VU y Dr. Horacio E. Oduber Hospital.

“E resultado ta hopi positivo,” dr. Falconi a bisa, “semper tin

cosnan cu por cambia, pero basicamente e resultado ta positivo cu ta algo hopi bon pa nos Hospital. Nos kier bay mas leu ainda y esey nos lo haci cu e consehonan di VU.” Profesor Kramer a conclui bisando cu tin estudiante caba ta haciendo nan co-schappen na Aruba y cu nan experiencianan na Dr. Horacio E. Oduber Hospital ta bon. E ta convenci cu esaki solamente por bira cada dia mas miho mirando e feedback positivo. Dr. Horacio E. Oduber Hospital ta contento cu e resultado aki y asina ta sigui tambe den otro areanan den Hospital pa un cuido optimalisa. □

